

INFORMACIJA O AKTIVNOSTIMA OPĆINSKE IZBORNE KOMISIJE NOVO SARJEVO

Dana 09. novembra 2023. godine Općinska izborna komisija Novo Sarajevo je održala **3. hitnu korespondentnu sjednicu** na kojoj je, prema planu aktivnosti vezanih za izbore članova savjeta mjesnih zajednica na području općine Novo Sarajevo, izvršeno jednoglasno usvajanje kandidatskih listi za izbor članova savjeta mjesnih zajednica. Na osnovu usvojenih kandidatskih listi, Izborna komisija je putem web stranice Općine, oglasnih ploča Općine i mjesnih zajednica obavijestila javnost da će se žrijebanje radi utvrđivanja redoslijeda na kandidatskim listama održati 13. novembra 2023. godine (ponedjeljak) u prostorijama Velike sale Općinskog vijeća, ul. Zmaja od Bosne 55, I sprat, zgrada Općine Novo Sarajevo, prema rasporedu koji je bio utvrđen.

Dana 13. novembra 2023. godine Općinska izborna komisija Novo Sarajevo je održala **11. redovnu sjednicu**. Jedna od najznačajnijih aktivnosti na navedenoj sjednici jeste javno održavanje žrijebanja radi utvrđivanja redoslijeda na kandidatskim listama za izbore članova savjeta mjesnih zajednica. Nakon provedenog žrijebanja, Izborna komisija je sačinila Zbirnu listu kandidata sa utvrđenim redoslijedom na kandidatskim listama za izbore za članove savjeta mjesnih zajednica na području općine Novo Sarajevo, koja je dostupna na zvaničnoj web stranici Općine. Izborna komisija je započela sa pripremom i izradom Prijedloga budžeta za OIK NS za 2024. godinu, kojom prilikom je u obzir uzet Tabelarni prikaz poslova i stepena složenosti istih, a koji je za potrebe pripreme i provedbe prethodnih Općih izbora sačinila i uputila Centralna izborna komisija BiH.

Dana 15. novembra 2023. godine Općinska izborna komisija Novo Sarajevo je održala svoju **12. redovnu sjednicu**. Na sjednici je utvrđen konačni prijedlog finansijskog plana OIK Novo Sarajevo za 2024. godinu, kao i njegovo narativno i analitičko obrazloženje. Budžet je sačinjen u skladu sa instrukcijama Centralne izborne komisije BiH, a u skladu sa nadležnostima OIK NS određenih Izbornim zakonom BiH i podzakonskim aktima CIK BiH. Pored toga, na sjednici su razmatrane aktivnosti na sprovođenju izbora za članove savjeta mjesnih zajednica. Tako je donesena odluka o akreditaciji 21 posmatrača i o odbacivanju šest zahtjeva za akreditacijom posmatrača. Utvrđen je datum obuke kandidata za članove i predsjednike biračkih odbora, te je jednoglasno usvojen izgled i sadržaj glasački listić za izbore. Ranije je sadržaj glasačkog listića i njegovu formu odredilo Uputstvo o provođenju izbora za članove savjeta mjesnih zajednica na području općine Novo Sarajevo. U konačnici, Izborna komisija je sa žaljenjem konstatirala da Općinsko vijeće Novo Sarajevo nije postupilo sukladno nalogu CIK BiH iz oktobra 2023. godine, te provelo proceduru i imenovalo sedmog člana OIK NS kao i predsjednika OIK NS. Na taj način se usložnjava rad OIK NS, te vrši pritisak na njegove članove. Sada je nužno da Centralna izborna komisija BiH imenuje sedmog, nedostajućeg, člana OIK NS kako bi OIK NS u punom kapacitetu mogao okončati izbore za članove savjeta mjesnih zajednica, a potom započeti i pripreme za lokalne izbore 2024. godine.

Dana 21. novembra 2023. godine Općinska izborna komisija Novo Sarajevo je održala svoju **13. redovnu sjednicu**. Neposredno prije samog održavanja sjednice Izborne komisije je, u Velikoj Sali Općinskog vijeća Novo Sarajevo, održala obuka kandidata za predsjednike i članove biračkih odbora za izbore članova savjeta mjesnih zajednica na području općine Novo Sarajevo. Obuci je prisustvovalo 45 od 47 prijavljenih kandidata, s tim da je jedan kandidat opravdao svoje odsustvo, dok drugi nije. Tokom pripreme materijala za sjednicu, izvršeno je printanje i ovjeravanje glasačkih listića. Na sjednici su pripremljena, potpisana i ovjerena rješenja o imenovanju biračkih odbora i pripremljen osjetljivi i neosjetljivi materijal za svih 14 biračkih mjesta.